

ქალაქ თბილისი მუნიციპალიტეტის საკრებულოს  
იურიდიულ საკითხთა და ადამიანის უფლებათა დაცვის კომისიის  
სხდომის ოქმი  
N46

2024 წელი; 18 იანვარი 11:00 სთ;

ქ. თბილისი  
თავისუფლების მოედანი N2

სხდომას ესწრებოდნენ:

იურიდიულ საკითხთა და ადამიანის უფლებათა დაცვის კომისიის წევრები:

ლევან ქორქოლიანი (თავმჯდომარე)

ზურაბ აბაშიძე

ავთანდილ ცინცაძე

აკაკი ალადაშვილი

გახაბერ ლაპუჩიძე

არჩილ გორდიშვილი

ლილე ლიპარტელიანი

ოოტნე კობერიძე

დავით ფარცვანია

სხდომის თავმჯდომარე:

ლევან ქორქოლიანი

იურიდიულ საკითხთა და ადამიანის უფლებათა დაცვის

კომისიის თავმჯდომარე

## დღის წესრიგი

- ქალაქ თბილისის მუნიციპალიტეტის საკრებულოს კომისიათა შემადგენლობის ცვლილების თაობაზე საკითხი.

სხდომის თავმჯდომარემ სხდომა გახსნილად გამოაცხადა და დამსწრე წევრებს დასამტკიცებლად წარუდგინა იურიდიულ საკითხთა და ადამიანის უფლებათა დაცვის კომისიის სხდომის დღის წესრიგის პროექტი.

იურიდიულ საკითხთა და ადამიანის უფლებათა დაცვის კომისიის მიერ ერთხმად იქნა დამტკიცებული სხდომის დღის წესრიგი.

მოისმინეს:

1. იურიდიულ საკითხთა და ადამიანის უფლებათა დაცვის კომისიის თავმჯდომარემ ღევან ჟორჟოლიანმა კომისიის სხდომაზე დამსწრე წევრებს გააცნო იურიდიულ საკითხთა და ადამიანის უფლებათა დაცვის კომისიის სხდომის დღის წესრიგით გათვალისწინებული ქალაქ თბილისის მუნიციპალიტეტის საკრებულოს კომისიათა შემადგენლობის ცვლილების თაობაზე საკითხი.

კომისიის თავმჯდომარემ კომისიის სხდომაზე დამსწრე წევრებს შეახსენა მ/წლის 16 იანვრის სხდომაზე გაუღერებული ინფორმაცია, კერძოდ, 2023 წლის 27 დეკემბერს, ქალაქ თბილისის მუნიციპალიტეტის საკრებულოს წევრის ანა გოგოლაძის მიერ, ამავე საკრებულოსთვის წარდგენილი წერილობითი მიმართვა, მის მიერ, 2024 წლის 1-ლი იანვრიდან ფრაქციის „ერთიანი ნაციონალური მოძრაობა“ შემადგენლობის დატოვების თაობაზე, ასევე, 2023 წლის 29 დეკემბერს, ქალაქ თბილისის მუნიციპალიტეტის საკრებულოს წევრის მამუკა გუგეშაშვილის მიერ, ამავე საკრებულოს თავმჯდომარისადმი წარდგენილი წერილობით მიმართვა, 2024 წლის 1-ლი იანვრიდან, ფრაქციის „ერთიანი ნაციონალური მოძრაობა“ შემადგენლობის დატოვების თაობაზე, აგრეთვე, ქალაქ თბილისის მუნიციპალიტეტის საკრებულოს წევრის თორნიკე ბიკაშვილის მიერ, 2023 წლის 28 დეკემბერს წარდგენილი წერილობითი მიმართვა, 2024 წლის 1-ლი იანვრიდან ფრაქციის „ერთიანი ნაციონალური მოძრაობა“ შემადგენლობის დატოვების თაობაზე ინფორმაცია. მომხსენებელმა კომისიის წევრებს ასევე შეახსენა, რომ მ/წლის 9 იანვარს ქალაქ თბილისის მუნიციპალიტეტის საკრებულოს თავმჯდომარეს და იურიდიულ საკითხთა და ადამიანის უფლებათა დაცვის კომისიას წერილობით მომართა ფრაქციის „ერთიანი ნაციონალური მოძრაობის“ თავმჯდომარემ ირაკლი ნადირაძემ და წარუდგინა ფრაქციის მ/წლის 9 იანვრის სხდომის ოქმი, რომლის თანახმადაც, ფრაქციის შემადგენლობა დატოვეს: მამუკა გუგეშაშვილმა, ანა გოგოლაძემ და თორნიკე ბიკაშვილმა.

მომხსენებლის განმარტებით, ვინაიდან, აღნიშნულმა ცვლილებებმა გავლენა მოახდინეს კომისიებში ფრაქციათა წარმომადგენლობების პროპორციაზე, მ/წლის 16 იანვარს, ქალაქ თბილისის საკრებულოს ბიუროს მიერ დამტკიცებულ იქნა პროპორციული წარმომადგენლობის ახალი კვოტები, შემცირდა ზემომითითებული ფრაქციის კვოტა და განისაზღვრა 2 წევრით, თითოეულ კომისიაში, ნაცვლად - 3 (სამი) წევრისა, ხოლო იმ წევრების კვოტა, რომლებიც არ არიან გაწევრიანებული არცერთ ფრაქციაში - 2 წევრით, ნაცვლად 1-ისა (ერთი).

მომხსენებელმა მიუთითა, რომ ვინაიდან, დამტკიცებული კვოტირებები იწვევს ცვლილებებს კომისიათა პერსონალურ შემადგენლობებში, მ/წლის 17 იანვარს, ქალაქ თბილისის მუნიციპალიტეტის საკრებულოს უფრაქციო წევრმა ანა გოგოლაძემ წერილობით მომართა ამავე საკრებულოს თავმჯდომარეს და იურიდიულ საკითხთა და ადამიანის უფლებათა დაცვის კომისიას - ქალაქ თბილისის მუნიციპალიტეტის საკრებულოს ურბანული დაგეგმარების და საქალაქო მეურნეობის კომისიის დატოვებისა და ქალაქ თბილისის მუნიციპალიტეტის საკრებულოს გარემოს დაცვის კომისიის შემადგენლობაში შესვლის სურვილთან დაკავშირებით.

მომხსენებელმა აღნიშნა, რომ მ/წლის 17 იანვარს, ქალაქ თბილისის მუნიციპალიტეტის საკრებულოს უფრაქციო წევრმა თორნიკე ბიკაშვილმა წერილობით მომართა ამავე საკრებულოს თავმჯდომარეს და იურიდიულ საკითხთა და ადამიანის უფლება და დაცვის კომისიას - ქალაქ თბილისის მუნიციპალიტეტის საკრებულოს ქონების მართვის და საფინანსო-საბიუჯეტო კომისიის დატოვებისა და ქალაქ თბილისის მუნიციპალიტეტის საკრებულოს ეკონომიკური განვითარების, საინვესტიციო პოლიტიკისა და საერთაშორისო ურთიერთობების კომისიის შემადგენლობაში შესვლის სურვილთან დაკავშირებით.

ლევან ქორქოლიანმა აღნიშნა, რომ მ/წლის 17 იანვარს, ქალაქ თბილისის მუნიციპალიტეტის საკრებულოს თავმჯდომარეს და იურიდიულ საკითხთა და ადამიანის უფლებათა დაცვის კომისიას წერილობით მომართა მიმართა ფრაქციის „ერთიანი ნაციონალური მოძრაობის“ თავმჯდომარემ ირაკლი ნადირაძემ და აღნიშნული განცხადებით წარუდგინა ფრაქციის მ/წლის 17 იანვრის N54 სხდომის ოქმი, რომლის თანახმადაც ფრაქციის წევრებმა ერთხმად დაუჭირეს მხარი შოთა გრიგოლიას გარემოს დაცვის კომისიის შემადგენლობიდან გასვლასა და ურბანული დაგეგმარებისა და საქალაქო მეურნეობის კომისიაში გაწევრიანებას, აგრეთვე, ამავე სხდომაზე ფრაქციის შემადგენლობამ მხარი დაუჭირა ირაკლი ნადირაძის სახელდებისა და სიმბოლიკური კომისიის შემადგენლობიდან გასვლას და ჯანმრთელობის დაცვისა და სოციალურ საკითხთა კომისიაში გაწევრიანებას.

#### აზრი გამოთქვეს:

კომისიის თავმჯდომარემ ისაუბრა საქართველოს ორგანული კანონის „ადგილობრივი თვითმმართველობის კოდექსის“ და „ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 19 ივლისის N2-1 დადგენილებით დამტკიცებულ რეგლამენტის შესაბამისად განსაზღვრული, განსახილველი საკითხის მარეგულირებელი პროცედურული ღონისმიერების თაობაზე, შემდეგი სახით:

- ✓ საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის პირველი ნაწილის „ბ.დ“ ქვეპუნქტის თანახმად, მუნიციპალიტეტის საკრებულოს უფლებამოსილებას განეკუთვნება მუნიციპალიტეტის საკრებულოს კომისიის შექმნა; კომისიის თავმჯდომარის არჩევა და თანამდებობიდან გადაყენება; ახალარჩეული მუნიციპალიტეტის საკრებულოს პირველ სხდომაზე მუნიციპალიტეტის საკრებულოს კომისიის წევრთა რაოდენობისა და პროპორციული წარმომადგენლობის კვოტების განსაზღვრა და დამტკიცება, კომისიის შემადგენლობის ცნობად მიღება; კომისიის დებულების დამტკიცება და მასში ცვლილების შეტანა;
- ✓ ამავე ორგანული კანონის 28-ე მუხლის მე-2 პუნქტის თანახმად, მუნიციპალიტეტის საკრებულოს კომისიის შემადგენლობა განისაზღვრება მუნიციპალიტეტის საკრებულოს ფრაქციათა წარმომადგენლობისა და მუნიციპალიტეტის საკრებულოს იმ წევრთა რაოდენობის პროპორციულად, რომლებიც გაერთიანებული არ არიან არცერთ ფრაქციაში. მუნიციპალიტეტის საკრებულოს კომისიის წევრთა რაოდენობასა და პროპორციული წარმომადგენლობის კვოტებს განსაზღვრავს მუნიციპალიტეტის საკრებულოს იურიდიულ საკითხთა კომისია ან შესაბამისი კომპეტენციის მქონე კომისია

მუნიციპალიტეტის საკრებულოს რეგლამენტით დადგენილი წესით და ამტკიცებს მუნიციპალიტეტის საკრებულოს ბიურო;

✓ ზემოაღნიშნული მუხლის 2<sup>1</sup> პუნქტის მიხედვით ამ მუხლის მე-2 პუნქტით გათვალისწინებულ შემთხვევებში მუნიციპალიტეტის საკრებულოს ბიუროს (მუნიციპალიტეტის საკრებულოს) მიერ მუნიციპალიტეტის საკრებულოს კომისიებში მუნიციპალიტეტის საკრებულოს ფრაქციათა პროპორციული წარმომადგენლობის კვოტების დამტკიცებიდან 3 დღის ვადაში ფრაქცია თავისი გადაწყვეტილებით წარადგენს კომისიაში წევრებს;

✓ ზემომითითებული მუხლის 2<sup>2</sup> პუნქტის თანახმად, მუნიციპალიტეტის საკრებულოს კომისიაში წევრის წარდგენის შესახებ მუნიციპალიტეტის საკრებულოს ფრაქციის გადაწყვეტილება ეცნობება მუნიციპალიტეტის საკრებულოს იურიდიულ საკითხთა კომისიას ან შესაბამისი კომპეტენციის მქონე კომისიას (მუნიციპალიტეტის საკრებულოს) და მუნიციპალიტეტის საკრებულოს ბიუროს. იურიდიულ საკითხთა კომისია ან შესაბამისი კომპეტენციის მქონე კომისია (მუნიციპალიტეტის საკრებულო) ამოწმებს ფრაქციის მიერ კომისიაში წევრის წარდგენის სისწორეს და საჭიროების შემთხვევაში ახდენს სათანადო რეაგირებას. ფრაქციის მიერ კომისიაში წარდგენილი წევრი კომისიაში დანიშნულად მიიჩნევა აღნიშნული ფაქტის მუნიციპალიტეტის საკრებულოს ბიუროს (მუნიციპალიტეტის საკრებულოს) მიერ ცნობად მიღების მომენტიდან. მუნიციპალიტეტის საკრებულოს წევრი, რომელიც გაერთიანებული არ არის არცერთ ფრაქციაში, კომისიის წევრი ხდება ამ პუნქტით დადგენილი წესით, პირადი განცხადების საფუძველზე;

✓ „ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 19 ივლისის N2-1 დადგენილებით დამტკიცებულ რეგლამენტის მე-17<sup>1</sup> მუხლის პირველი პუნქტის თანახმად, მუნიციპალიტეტის საკრებულოს კომისიის წევრს უფლება აქვს, წებისმიერ დროს გავიდეს მუნიციპალიტეტის საკრებულოს კომისიის შემადგენლობიდან. მუნიციპალიტეტის საკრებულოს კომისიის წევრმა კომისიის შემადგენლობიდან გასვლის შესახებ წერილობით უნდა აცნობოს მუნიციპალიტეტის საკრებულოს ფრაქციის თავმჯდომარეს, მუნიციპალიტეტის საკრებულოს ბიუროს და მუნიციპალიტეტის საკრებულოს იურიდიულ საკითხთა და ადამიანის უფლებათა დაცვის კომისიას.

#### გადაწყვიტეს:

იურიდიულ საკითხთა და ადამიანის უფლებათა დაცვის კომისიის სხდომაზე დამსწრე წევრებმა ერთხმად მიიჩნიეს მიზანშეწონილად, რომ დაცულია საკრებულოს ფრაქციის მიერ კომისიის წევრის წარდგენის წესი და წარმოდგენილი ცვლილება შესაბამება ქალაქ თბილისის მუნიციპალიტეტის საკრებულოს ბიუროს მიერ დამტკიცებულ კომისიის წევრთა რაოდენობისა და პროპორციული წარმომადგენლობის კვოტებს.

ყოველივე ზემოაღნიშნულიდან გამომდინარე, იურიდიულ საკითხთა და ადამიანის უფლებათა დაცვის კომისიამ ერთხმად აღნიშნა, რომ იურიდიულ საკითხთა და ადამიანის უფლებათა დაცვის კომისია, ზემოაღნიშნული ცვლილების გათვალისწინებით, დანართის



სახით წარმოადგენს, ქალაქ თბილისის მუნიციპალიტეტის საკრებულოს კომისიათა პერსონალურ შემადგენლობას, რომელიც ცნობის სახით უნდა მიიღოს ამავე საკრებულოს ბიურომ.

იურიდიულ საკითხთა და ადამიანის უფლებათა დაცვის კომისიის სხდომის დღის წესრიგით გათვალისწინებული საკითხის განხილვის შემდეგ, სხდომის თავმჯდომარემ სხდომა დახურულად გამოაცხადა.

სხდომის თავმჯდომარე

ლევან უორჟოლიანი

სხდომის მდივანი

თამთა კაკოიშვილი